

թեան նորա : Եւ մեք զերծեալ փախստեայ ե-
կաք առ ոսոս քո . եւ եթէ արժանի եմ մա-
հու, արիւն իմ շանց քոց լիցի կերակուր»
(10) :

Կաթողիկոսը դայս եւ ուրիշ ամբաստա-
նութիւններ կը գրէ, եւ անոնց կը կցէ Սուլ-
թանին խաթիշարիֆը, եւ կը զրկէ Շահին,
ձեռամբ Էհտիմալ-Տոլուաթին : Շահը սուլ-
թանական խաթիշարիֆը տեսնելով կ'ըսէ .
«Եթէ Խունթկարն զմերն սիրէ, մեք ընդէ՞ր
ոչ սիրեմք, (զի) Սաֆի Խանն այդքան չա-
րիքդ բերէ ի գլուխ նորա» (11) :

Շահին կը յիշեցնեն նաեւ ուրիշ գան-
գատներ : Այս պահուն հոն կը գտնուէր նաեւ
Լազկաց Խանը որ, իր կարգին կ'ըսէ . «Սա-
ֆի Խանն ա'յնքան ապրանք առաքեաց ի
տուն իւր, զի եւ 300 թուման մաքս առի,
թո'ղ զբեռանցն» : Զայս լսելով Շահը կը
հրամայէ զբել Թաւրէզ, Միրզայ Իպրա-
հիմին, որ կը կոչուէր Հատրբեճան Վաղրի,
որպէս զի Երեւան երթայ, կալանաւորէ
Սաֆի Խանն ու անոր որդին՝ Մեհուպ Ալին,
տունը գրաւէ, եւ զանոնք Գուլապիի կամ
Վարդաշրի Ղալայ բերդը նետէ : Միրզայ՝
ընկերակցութեամբ եօթը հաւատարիմ
մարդոց, Կոտայքի աղբիւրներուն մօտ կը
ձերբակալէ Սաֆի Ղուլի Խանը, ցոյց տա-
լով անոր Շահին ռազամը, ընտանիքը կը
զրկէ Երեւան, Խանն ու որդին կը բանտար-
կէ եւ անոնց ինչքերը յարքունիս կը գրաւէ :

(10) Անդ 81 :

(11) Անդ 81-82 :